

安溪縣志



安溪縣志卷之七

彰獻

宋選舉

紹聖四年丁丑何昌定榜張讀

永安里人

張讀字聖行以上舍生擢第調潁昌府法曹叅軍除編修國朝會典以父年逾九十求便親通判本州後除諸王府直講未幾請郡自効知興化軍時靖康初國步多艱士卒驕恣一日謹趨庭下乞額外給賜讀正色叱之諸卒咸服反告其渠魁卽梟





首于市一郡肅然建炎初被召以疾辭奉祠性至孝居喪廬墓蔬食終制家居杜門掃卻所交皆天下士其始與陳瑩中友善既從仕爲趙清獻范純禮所獎重及其後也與李方叔端叔爲蘇黃門客子由作東坡墓銘獨以示讀讀曰斯文妙盡東坡平生政恐仇人復藉此媒孽不若刮磨之爲愈令東坡無此銘萬世之下不知有東坡乎晚年徙居晉江與李文肅邴過從尤厚善屬文閩中碑碣多出其手貲入卽分親故之貧者壽八十卒李文肅哭以詩有累日塵生甑經年肘見衿之語嘉熙中令趙崇栗以其能盡孝表曰曾子里在永安讀子滿進以明經著遂自在坊東市分居新康大平後安墩頭後有志仁必得圓宗慈光仲元世寶子才子太等俱由貢出仕均奕代之裔也

紹興二十四年甲戌特奏名楊景申

景申字夢符仕湖北帥幕工詩文有鳳山集

淳熙元年甲午童子科黃胄

二年乙未特奏名楊震

景申從弟



十四年丁未王容榜連之瑞

紹熙二年庚戌余復榜薛純儒

慶元二年丙辰鄒應龍榜連三益

崇善里人

三益字叔友晉江傳忠簡伯成竒其材妻以女知沙縣爲政明簡庭無留訟及去民遮留數千倅廣州將行伯成告以佐理之法三益一循其言盡却餽例人服清節再倅紹興未上卒子端慤知建寧縣是年童子科尤台

尤台字公輔八歲能屬文腹稿立就應童子科舉中書試以公則說賦數刻而成詞藻絕出擬奏賜官格于吏議董免三舉不第終

五年己未會從龍榜余誠之 余克濟

克濟字叔濟誠之從弟尉候官有貴官治第求尉廨地及教場益其居帥諾之克濟袖啓力爭世傳誦焉爲浙西常平幹官幕畫明辯諸使交薦知梅州將上有傳其境盜發或勸之徐行克濟單車就道曰乘其未集可亟圖也克濟肫肫儒者而勇於爲義所至治績寬平可紀卒年八十其學邃於春



秋著通解十五卷

嘉泰二年庚戌傳行簡榜丘迪嘉

迪嘉仕大理卿邑人立祠講堂東與余克濟並祀

寶慶二年丙戌王會龍榜胡淡

十六年癸未蔣重珍榜林魁辰

嘉定三年鄉薦鄭思忱

思忱字景千授尚書于西溪李季耕解析精詣生

徒常百數嘉定三年詞賦首薦中第爲新興令除

遺利錢三百萬知崇安縣以諧左遷浦城丞諱真

文忠公與語知其賢言於太守得復任知南恩州

浙東叅議官雷變上封事言士溺苞苴民坐困且

盜宜去貪卹人節用蓄力除監登聞檢院卒思忱

豪爽而和粹凝然有守君子也所著有詩書釋

七年甲戌表甫榜陳子木

十三年庚辰特奏名黃申孫

十五年壬午上舍釋褐陳椿壽

椿壽字子植與邑人陳子木並邃禮學

紹定二年己丑黃朴榜胡元袞

淡從弟



特奏名陳雷煥 黃始振

五年壬辰特奏名黃商楫

商楫字築翁申孫弟明周禮為經學師終順昌簿

端平二年乙未登第唐夢斧

夢斧授同安主學改修職郎陞鬱林州司戶胞弟

夢震由選貢授湖州教授時有兄弟聯芳之譽

淳祐十年庚戌方逢辰榜陳應雷 胡似翁

應雷以省試第一人登第任循州教授有文學

寶祐四年丙辰特奏名吳神明

開慶元年巳未周震炎榜黃廷瑞

景定三年壬戌特奏名趙震龍 陳舉龍

咸淳元年乙丑阮登炳榜黃榮甫 趙由燦

四年戊辰陳文龍榜陳應鼇 趙由華 陳雨潤

宣德小薛夢傳 特奏名董巨川

七年辛未釋褐趙次劉

明 科第

洪武十七年甲子黃維清榜劉安生

龍興里人以府學中式

沈正嗣

依仁里人府志載三十二年



十八年乙丑丁顯榜劉安生

監察御史

二十二年己卯楊子榮榜謝仙舉

永安里人鄭府伴

永樂三年乙酉楊端儀榜楊賢德

承來蕪里人海寧縣

十八年庚子吳觀榜馮穀

崇信里人萬載教諭

林信

新康里人

宣德七年壬子林同榜羅裕

正統六年辛酉方玘榜詹靖

崇信里人

詹靖字邦寧令敦仁之後也景泰中知廣昌縣縣

有揭姓者素豪黠前令不能制靖至寘諸法一境

肅然嘗曰居家如是居官如是若為富貴謀非所

學矣陞開州同知卒于官

景泰元年庚午翁賓榜李煜

感化里人

李煜字秉常號勤齋舉人春闈副榜署羅源縣諭

值沙尤寇亂學宮傾毀捐貲重建大成殿明倫堂

暨東西廡課督諸生常禮一切謝却改江西南城

諭一如羅源陞南豐令詢利害悉興除城外築通

濟橋民免風波眾立石紀功復建壇壝與曾子固

書院設舖舍建眾安亭政績詳載太史劉青齋太

常卿程廣平碑豐人祀名宦今祀鄉賢時邑令錢



守中于感化里河洋保爲特建梯雲坊 圯柱尚存

成化十三年丁酉蔡清榜陳璋 晉江人武康教諭

弘治五年壬子林文迪榜陳興仁 同安人烏程教諭

十一年戊午林士元榜劉春 在坊人

劉春字材達號璞齋在坊人隱士劉乙之後春少

欽其祖高尚剪茅鳳麓山左名其池曰鳳湖園曰

麓圃讀書其中先世頗羸饒父敏重然諾好施常

出貲賑乏鄉人稱曰劉義公至春而環堵蕭然茹

荼衣褐力學不衰年十九冠童子試入邑庠娶王

氏有樂羊妻之風每篝燈刺女紅相對佐讀午夜

學成爲巡按張公某首拔領弘治戊午鄉薦已未

南宮不售有志入太學肄業不歸以攻苦鉢腎病

歸而歿年四十有二時理學紫峰陳琛志其壙稱

爲清谿人物生色然春之碩學宏抱終未見于世

論者惜之

十四年辛酉張燮榜詹源 靖孫

十八年乙丑顧鼎臣榜詹源

詹源字士潔本遺腹子十餘歲則慨然丈夫自期



所以事母至孝、進士授戶部主事、改監察御史、方逆瑾用事、凡拜官者必私謁謝、諸御史奉差遣、非千金賂瑾不得、源皆謝絕之、乞養母、還久之、就家轉貴州按察僉事、之官未一年、御史阿當權意、劾源朝議、源任未年、尼御史章不行、乾清宮災、大工興採木貴陽川湖源、精心受事、香爐山苗叛、督將卒剿平之、擢雲南按察副使、兵備臨安、執貪官置之法、御史私庇之、源執益固、乃直達於朝、貪官竟罷、御史啣源、源亦坐罷歸、源預作墓志、自謂不能紆轡、違已干謁、競世不能是非、兩可以取、好人之名不能足恭、無禮以要上下之譽、不能厚貌深情、以假道學之模、剛直而不能容人、過高負而不能受人、犯其爲人如此。

正德十四年己卯陳公陞榜高鳳山

鳳山生貌甚倜儻、端坐如神明、凡與人言、成人不信、釋子信之、爲攸縣教諭、勤課後學、振起士風、陞信豐知縣、民有信豐高知縣無柴燒草薦之謠、歸家教授里中、御史聶豹知其清、示意關請鳳山第、欲



安海縣志 卷之七  
受人金爲地鳳山執笞之其卒也泉守熊汝達賻之金二十按蘇琰曾遺匪峩何先生書曰高公鳳山琰不知其詳琰丁酉歲夜宿古樓舖鬻楮金人家主人出蔬飯相對年可四十餘貌甚朴門外人呼曰高大舍就詢之具對曰先父名某爲吏九年歸無以家來此買甫田十畝身訓村童而予作小生活先父死不能具斂殯有門生黃一棟料理之問之今有幾兄弟幾孫曰隻身也一老母一妻一妾三人造楮金予行鬻之時同宿友人衣一絹袍主人問曰布何細耶琰曰絹也主人曰吾未嘗見先人衣此辛亥冬再過其地訪之其隣曰田鬻他徙母死無子矣琰更恨前日不問高公之詳也

嘉靖二十二年癸卯黃繼周榜詹彬 靖孫

二十五年丙午洪世遷榜李瀾 煜姪

李瀾字子觀事父母至孝居喪號擗如不欲生凡歿諸子未長瀾子之平生所爲在倡義舉恤貧乏割私田以充公祀時時捐橐金佐其族衆婚嫁死喪之不贍給者郡人飢出粟數百斛賑挾仕衢州



別駕搔除乾沒里胥不得營窟穴錢穀中相緇染  
 一為假守三為假令獄訟衰息政教流行第不能  
 為容當事當事者媒孽之瀾方送織造留都聞其  
 萌芽即拂衣歸里歛簷帷偃蓬帆從衢城外過衢  
 父老日携壺漿江干待李使君莫踪跡也瀾去衢  
 既久晉江黃宗伯鳳翔宿衢郵郎聞郵卒異時李  
 使君治衢何如卒日清甚宗伯日使君故有家無  
 藉衢為肥也卒日公見肥人不喫酒炙乎恨不兼  
 人噉耳宗伯笑頷之而歎日李公李公當於古人

中求之卒而崇祀鄉賢春秋祭奠

壽八十九以子  
 棫職贈叅政

三十八年己未丁士美榜詹彬

彬字汝宜授戶部主事權臨清鈔關關故征商權  
 會檣轂鱗奏緡算憧憧彬寬平泄之估販之衆日  
 占算庭下日授衙校額入其輸金準恒紀但僧吏  
 隸故嘗附益私求者令無參其中輸者咸無假茆  
 莫不泉赴壑受署所屬役至不得自衣食賈區幸  
 靡所漁獵皆驩然列肆中歲算眎常額羨以萬計  
 彬悉以上之朝前後權關之人交口唾罵大司農



竟持古進羨之說罪之坐謫為鳳陽府通判彬亦  
邑邑卒卒之日葛衣為斂而已君子歎曰若彬在  
今世廉矣勇矣

四十三年甲子王大道榜李道先

感化里人常  
德府知府

詹仰庇

源子應  
天中式

四十四年乙丑范應期榜詹仰庇

詹仰庇字汝欽初為南海令年方二十六精敏治辦  
直躬力持擢監察御史為隆慶二年居臺兩月餘  
數上疏穆宗下戶部購求寶石珍珠諸物期三日

大司農戶科給事中請寢不得仰庇疏言珍珠寶

石多藏中貴之家尚方索悉即持高直今南北多

事財用不給兩廣軍興乏餉疏請再四當事者存

根本之慮不敢多與而購一寶石坐費萬金何眎

珠玉之貴土地人民之賤請今買進者悉停罷之

明年春內宮監辦治烟火進奉元夕火藥突發延

燒內房以十餘間仰庇復疏言宮禁閔嚴研治火

藥突及房屋燎若不止勢將奈何夫人主損德之

大莫過逸欲逸欲之漸恒起近習近習縱恣一至



於此儻不究治府奸抵隙損德大矣臣見每歲上元京師東角頭四五日間張設燈市每燈一架直金數百中官富家誇財競買遊觀喧雜男女參廁淫侈莫甚請并勅厰衛禁革以端表正之地成節儉之風皆報聞居數月外廷聞陳皇后遷居別宮寢疾危困近侍稀少皆以爲憂而不敢言仰庇復言天子有后猶天有地陛下宜篤宮闈之好隆關雎之風俾爲宗廟社稷之主四方家人之則近聞出居坤寧置之別宮寢食夙夜嬪御稀闕以致抑鬱成疾中外聞者莫不垂涕萬一不諱謂聖德何上故不手批章奏是日手仰庇牘責其妄言姑寘不罪居亡何被旨巡視監局庫藏異時省直輸糧中貴人監收之率沒其羨於地者仰庇謂奈何盡民膏血滿斛則已外官吏輸帛內監內監率取其額外鋪墊不厭其意卽經年蠹朽無所得入仰庇廉所困阨必入乃罷而監局盜帛租稅其費不貲槩難訾省仰庇復上疏搜剔欺匿歷指主名具奏中貴切齒仰庇苛摘其疏中二字以爲不恭以激



上怒責仰庇悖逆狂妄屢次不悛命錦衣逮至午門杖一百爲民仰庇爲御史八閱月耳而四上疏疏指斥中貴人爲多其始穆宗書名屏間每聞外廷疏至則曰此又詹某來耶及其末疏所以洗刷近倖至今無瀆可啜中貴人從中申仰庇而仰庇及於罪矣始仰庇之上憫問陳皇后疏也其時方以試御史巡視皇城遇醫官從禁中出爲言皇后起居狀內心憂旣過王文肅時方編修則亦同所睠切而歎曰臺省諸公誰復言者仰庇默然心念謂真無敢言耶旣具疏入而文肅甚喜曰臺中有公矣旣廷杖削籍天下嘖嘖詹公名御史也歸而閉戶讀書時時結社吟詩開尊倚杖溪山之間翛然不有人世神宗登極起廣東叅議復乞歸家居十有三年撫按交章奏薦復起江西叅議轉山東副使南京太僕寺少卿晉左僉都御史爲蔡虛齋請謚而虛齋得謚曰文莊也他如申飭御史出巡事宜及定擬章奏體式具見施行晉左副都御史刑部右侍郎一以正紀綱崇體統爲意遂爲後



進所不喜亡何移疾乞歸家居復與耆儒契密譚  
 古道今留連溪山間如故行部使者郡國守相圖  
 見顏色一切謝絕之願諸公時時伺仰庇言為是  
 非民之困征稅苦牽誣者得其居常慨歎之聲焦  
 蒿之色而田里間脉脉蒙覆露矣仰庇居鄉使人  
 有所慕而為善有所畏而不敢為不義友人潘洙  
 言使詹公立朝有虎豹在山之勢蘇茂相言詹公  
 居鄉所謂不用之用無功之功卒賜祭葬贈尚書  
 隆慶元年丁卯張履祥榜詹啓東仰庇族姪

萬曆二年甲戌孫繼臯榜詹啓東

四年丙子劉庭蘭榜李懋檜

瀾從姪

李禎

懋檜從兄

李宗潤

禎從叔

唐時興

堯衷子以府學中式益府長史

李禎字克輔授安化知縣省詞訟絕贖遺興學慎

獄自誓堂左有國計如家計民身如已身之語鎮

閣陳鳳妄指縣有硃砂礦刻期興役鳳鎮楚橫甚

上官莫敢議禎曲奉而陰阻之久之自寢邑賴以

安陞茶陵州知州先變易風俗為務鋤奸剔蠹脉

安化有加民有筆貴耳勁之謠以不能結奉上官



再調臨高縣臨高地瘠民貧頑安靜理之鎮闡開  
 礦在縣界內頑因地震請卹從中緩礦稅稅外又  
 有賂礦銀以供開礦工費并亦從中罷之通府州  
 縣皆席其庇既朝命罷礦礦商慮失利益募亡命  
 夤夜開鑿頑過其外入者漸遣內出礦徒立散陞  
 王府審理嘗作狷介篇以自志言中行難造狂者  
 不可得不屑不潔不為鄉愿唯狷者耳平生淡約  
 簡樸矢志不欺或可自附焉

唐時興號見梅以府學中式春闈副榜署上杭縣  
 諭陞樂平縣知縣士民立生祠考最陞淮安府同  
 知以治河有功陞蜀府右長史致仕

七年巳卯陳文選榜林雨化

新康里人

李仕觀

懋檜族

林應漢

新溪里人

李仕觀字克賓號洞菴篤于孝友食餼有年及貢  
 領鄉薦署連城諭與諸生講學論道不督常儀補  
 河間獻縣諭恪守師模擢廣東保昌令刑清政平  
 入覲稱職仕觀固解綬詩酒自娛家四壁時論稱  
 之後崇祀鄉賢



八年庚辰張懋修榜李懋檜

李懋檜字克蒼號心湖旌義森六世孫總角馳文  
譽才擅一時以儒士應省辟後爲督學胡公定首  
拔登鄉書卷壓本房未授室及成進士守六安巖  
州賦役最嚴懋檜爲審編程其額州人稱便今以  
爲法陞刑部員外抗言于大司寇讞獄不允者三  
一則中官與兵馬司詔獄失出一則臨江守錢若  
賡罪逮父老詣闕訟寃年皆近百並謫口外一則  
侍郎洪朝選以勘遼藩忤江陵相指閩撫勞堪希  
相意窘死獄中假旨擅殺大臣法不蔽罪大司寇  
斂容謝之竟引疾去緣是負伉直聲會詔求言懋  
檜上疏陳九事其中安宮闈御近習尤神宗所忌  
會給事中邵庶上疏禁越職陳言懋檜援律抗爭  
情詞過激上益發怒雖劉志選申救並鑣秩降湖  
廣添註經歷前後兩疏忠悃剴切人以爲有賈長  
沙陸敬輿之風懋檜雖放斥外幕而忠益勵氣益  
奮至謫所聞邊警復郵奏安攘大計舉趙文毅全  
才疏再上不報久之移南稍晉儀曹丁外艱歸服



闕赴補牘數上不獲命旅食京邸者三年而不知  
 已疏名御屏錮不用矣自是里居二十載神宗晚  
 廉其忠即家起南兵部主政尋轉員外懋檜以父  
 老乞養歸光宗立錄舊臣起儀郎尋晉南光祿勳  
 貳罔伯一歲三遷人方望其柄用懋檜痛泰昌祚  
 短忠佞互爭大獄適起不欲身濡其流滯罔寺者  
 三載至甲子奉太常之召而懋檜已易箠矣綜其  
 生平所交遊皆大僚名臣如鄒南臯姜鳳阿顧錫  
 山許東陽等其取士則李長庚魏說李若愚陳所  
 蘊何慶元宋之禎上者位至台鼎次亦不失為當  
 世名卿其直言敢諫則安邑自詹仰庇而下僅見  
 懋檜一人耳

十六年戊子潘洙榜李儼南安人

林懷國應漢從叔以貢順天中式

十七年己丑焦竑榜李儼

十九年辛卯黃志清榜唐廷一時興族叔

二十八年庚子周起元榜李棡瀾子

三十七年己酉周迪榜李光陞禎孫 廖鵬舉龍興里人



廖鵬舉字而上少穎敏博通尤精易學晉江中式  
初任邑令歷同知旋擢南安府知府嘉績口碑陞

桂林進士任卒子胤洙貢生璣第  
呈清康熙己酉科舉人

四十年壬子高崇穀榜唐城時興從姪春  
秋經亞魁

林廷著貢士懷永子  
懷國從姪

四十一年癸丑周延儒榜李栻

李栻字克儼號懷藍瀾子登進士初授刑曹多平  
反獄無冤滯著有趨對易說及武書撮要陞維揚  
守治漕理鹽善政猶傳加意作士恤民舊有織造

典稅例絕杜竇徑丁艱補潮陽守轉陞高肇憲副  
七載緝盜安民功勳燦著以文武全才薦晉大叅  
分鉞端州道威望益暢最為百世利者造太平驛  
通濟橋為文記之廣士商誦德比蔡忠惠之維陽  
碑廟祀祝焉秩滿遷總憲全滇值土酋普名聲之  
亂承委督餉軍務賴以不匱服勞王事卒于官特  
祀清溪俎豆弗衰于日暉日焜日焜孫國紳等俱

天貴顯志于後

四十二年乙卯甘汝挺榜林鳴盛



四十六年戊午戴國章榜李仕亨

李鳳鳴

俱懋  
檜族

天啓元年辛酉范方榜劉莪

在坊人

許煥

光得里人

張前林爾元

新康里人  
大竹知縣

李應翔

感化人  
以南安  
中式經魁教諭

詹禎林

崇信里人  
順天中式

不詳

劉幾初名義字濟叔劉春四世孫弱冠應童子試

邑令王公奇其文為易名去草而山登賢書性耿

介重大節雅不喜交貴顯飾厨傳閒惟讀書間飲

酒每有謝世長往之志

林爾元字爾會早失怙力學工書法偕弟爾第第事

母兄孝友著聞郡先生何匪莪林震西俱器重之

將就教奉例廷試以文字雙美擢第一司鐸郟城

加意作人捐俸修學宮令大竹撫循惟清宦橐蕭

然以清白遺子孫

李應翔字翀甫號忝所少英特博學多通工楷法

善詠喙入南安庠試輒出人食廩久掇秋雋時主

者得其卷大喜闈中定元臨揭獲范方屈應翔第

二年五十有三矣四上春官以老授莆田諭浩浩

落落所膺迤促不稱其懷抱卒官舍弔者傷焉



詹禎林字仲肩洪鼎之子仰庇之孫由國子監南  
京中式家居謹守祖訓足跡罕履公門恂恂乎若  
孺子泉郡鄉評綽有聲望

二年壬戌文震孟榜李仕亨

嘉興知府

李仕亨字克澹號仍樸自少淹究經史早有文名  
戊午鄉舉第六成進士授戶部監大通橋旋督餉  
山西革招買蠹規商人立石時二闕至忤其意以  
清白見憚而止馬關中有病晝見二神使稽首言  
武穆王遣侍尋愈迨出守嘉興知樵李卽王舊里

謁廟二使儼然如前見者在嘉政簡刑清郡人不  
諭而化其自誌云不取一虧心錢不受一無處饋  
後請歸郡紳士父老合請崇祀名宦公爲書生時  
力學傳教名輩多出其門族中按察棧副使日晷  
皆積年受業所著四書註翼易本義翼易解趨對  
雜著迂言行世修輯宗譜皆崇厚力本之事老抱  
恙復見前二神君稽首辭別而逝崇祀名宦鄉賢  
子熺春以明經著

四年甲子程祥會榜李日晷

感化里人棧子南安中式



五年乙丑余煌榜李鳳鳴

任戶部郎中

李日暉

任廣東副使

李鳳鳴字罔甫號閬瀛幼慧穎不羣習舉子業或

作二百餘字或淋漓千餘言總不肯中度總角就

試出必冠軍諧謔善談雅有樂衛之勝成進士鐫

未甌言燕遊二集行世初令松陵會巨鎡逮周邑

紳聲燄莫敢近鳳鳴獨懷百金詣與訣未暮驛客

有舐望修隙於臺而左之由是徘徊南北冷署無

所發紆時以詩歌見志尋轉戶主政管倉漕清察

馬料因星變言事與省中忤下獄獲白而出鳳鳴

書法得鍾王三昧絲桐亦入其微至奕旨尤獨步

淹究天文地理辨字校書毫釐必折誠博物君子

也

李日暉字咸甫號旭寰幼岐嶷不羣年十八科甲

聯登由中書歷宦粵中官至大叅

杖長子

七年丁卯戴震雷榜張鼎俊

感化里人

陳洪圖

任建寧府教授

詹崑輝

俱崇信里人

陳洪圖字白書鄉薦第六明崇禎間授漳州龍巖

縣教諭時值邑令別篆而土寇頻發城虛幾陷洪



圖率眾親矢石截獲賊首堵禦保全如是者數次  
按院首薦士民立去思碑

皇清順治詔安

諭邑七經賊踪文廟鞠為茂草洪圖捐助重新

加意作人癸卯科李達可中解元亘古僅見登賢

書者後先繼起士林羣頌棫樸焉再陞建寧府教

授課督亦然老乃致仕山居益耽經史諄誨兒孫

壬子科鄉試第八名陳鳴球其次子也

崇禎三年庚午順天中式 唐朝誥 興一里人

林華東 新溪里人

九年丙子蔡高標榜李繼祚 府學中式任至廣東惠潮副使

李重燦 南安中式廣東儋州知州

十二年巳卯鍾垣榜黏本盛 晉江人授禮科給事中

顏應奎 同安人 龔貞 在坊人 洪垣星 南安人興二籍

粘本盛字道恒號質公學有淵源七歲從父受經

能明正理卽以忠孝自期弱冠首補弟子員應試

愈修明父學稍壯櫛沐于濂洛關閩之間嘗與前

輩林省庵林素庵二先生講究性命旦氣之學株

株章句不屑也已卯以亞魁薦于鄉



清朝定鼎恩試受知初任河南南司理時荆榛初闢瘡  
 痍未起至則務平反鋤蠹誣恤艱憐孤出冤獄重  
 辟者十餘案中州幾於刑措暇惟講學明倫勤課  
 諸士所薦拔多成進士郡人特祠崇之兩臺交章  
 上揚

天子臨軒親策特簡給事中歷吏戶禮兵刑五垣前  
 後疏五十餘上皆關國計民生興利除害諸大政  
 既多採擇舉行而彈覈摘伏釐剔祀典尤無不盡  
 蓋正色立朝二十年如一日也至於留意桑梓則

疏請鹽折歸縣嚴禁私派泉郡實受其惠焉其表  
 章理學也則有周公像贊歷代理學淵源像贊二  
 書學者尸而祝之出為滇南大總裁入彀者皆一  
 時名宿前分較武闈亦多屬桓糾之材由禮科都  
 給事中內陞京堂卒年六十七子士鳳士嶽俱以  
 恩貢授州同知

十三年庚辰魏藻德榜洪垣星 南安中式兵部主事

十五年壬午何承都榜王夢弼 還二里人 李光龍 感化里人

王復表 永安里人任湖廣襄陽府推官 林嗣環 新溪里人晉江中式



十六年癸未楊廷鑑榜李光龍任翰林院檢討

李光龍字蟠卿號在明興泉道熊可智誌銘其畧曰那太夫人誕先生時王父夢杜工部來訪覺而得男孫甚喜之七歲贈君命對乘桴浮于海先生應聲束帶立於朝聞者知非恒兒也稍長爲舉子業出語驚倫業師孫司理胎湖同學叔部郎閩瀛皆咄咄咤異乙卯以儒士應鄉舉嗣是學使者必得先生而首之蓋自子衿得首毋如先生盛者先生不肯爲尋章摘句而必博古窮今名益高而獲益遲壬午出揭潛銘先生房捷南宮爲本房薛行塢先生推重而房首今大司寇白東谷先生尤一見傾服後歸湖中自號餘隱云

皇清科第

順治六年己丑劉子壯榜林嗣環

林嗣環字起八號鐵崖性耿介有風裁任廣東南韶兵憲學道粵人嘖嘖頌之

順治八年辛卯陳聖泰榜葉獻論南安人

黃中祉

晉江中式  
興二里人



黃中祉字廷宣號願菴年十三失怙輟舉業至廿七奮志下帷登賢書為人寡言笑無褻容未嘗媚求當道為鄉邑所畏望而知欽類王彥方置祀田好施法范文正未任卒所著有四書集信諸藝

順治九年壬辰鄒忠倚榜葉獻論直隸蒲城知縣

葉獻論字日卿號懷蓼南安高田人由安溪學領鄉薦捷南宮任北直滿城縣因其土俗規其利弊雖盤錯而有條理民固稱便者中詠秋夜有云一片歸雲南浦水數聲遙笛北山風又登真定佛塔

有云梵宇鐘聲窓外渺煙空鴈影檻中還可想見其襟期以賦性朴直立心子惠弗能彌縫當道掛冠而歸士民慕之爰為勒石投簪後隱於凌雲山鄉絕請謁嘯傲林泉以詩酒自娛著有詩集行世

順治十一年甲午熊臣忠榜孫胤驥長太里人府學中式

石金和永安里人溫州平陽知縣李日焜感化晉江中式寧遠知縣

唐文輔興一里人晉江中式

順治十二年乙未史大成榜孫胤驥

孫胤驥字天閑號淵溪儒士聯捷初授刑部







明

歲貢恩貢選貢

洪武中林添祐 在坊人台州府學訓導

沈進德 依仁里人壽昌知縣

永樂中周觀祖 長泰里人南京戶部員外

倪觀生 在坊人

謝勝 長泰里人 蘇元 還集里人

林溥孫 新康里人

蕭斯 黃端 陳遜

宣德中沈安 定遠知縣 蔣安生 南昌府推官俱依仁里人

詹敬 德安孫壽昌訓導 陳永 感化人 楊復 感化人

高明 潁州知州感化里人

正統中鄭安 來蘇里人 陳暹 在坊人安東衛學教授 陳珪

林旺 秀水縣丞感德里人 張俊 縣丞 林性 在坊人鬱林州吏目

景泰中蘇璋 感化里人主簿 陳勉 來安里人 陳興 還集里人

張雋 興國縣主簿還集里人 吳英 李實 長泰里人

天順中謝逢春 興國州同知永安里人 陳福 永安里人

蒲茂 在坊人香山縣丞 蘇疇 崇信里人海鹽訓導

高啓 明子松陽縣丞 朱輅 晉江人鄉縣丞

成化中張暉 感化里人 胡瑄 來蘇里人英德教諭 詹穎 敬孫連州吏目

蔡瑾 長泰里人鉛山訓導 胡珍 瑄弟南陵縣主簿



高昌

明子建昌訓導

李昶

煜姪南海縣丞

胡祿

瑄弟

許昌

永安里人嶧縣訓導

李焯

巡檢森子南雄推官

吳晟

來蘇

弘治中趙璠

長泰里人惠州府照磨

陳璣

崇信里人澄邁教諭

吳啓

在坊人歷知武緣壽昌知縣

陳壬

永安里人瓊山訓導

楊隆

感化里人東光訓導

李亮

感化里人

高鳳岐

感化里人

林尚初

新康里人泰興教諭

莊海

感化里人保康教諭

陳謙

光得里人南城兵馬司副指揮

謝瑤

永安里人寧府典寶

李亮字文誠家貧嗜學事親盡孝任淮府紀善致

歸進階長史淮王賜之詩云論道經邦得老成年

華驚見鬢絲盈丘園思切三章疏魚水難禁十載

情酒熟山中應索醉鷗閒海上可無盟明朝遣問

須經對莫使江都獨擅名居家絕跡公門士論高

之祀名宦

高鳳岐字瑞文以貢入京師大司馬韓公文甚加

敬禮請為弟子授經晉江陳琛贈之詩曰師友道

久衰市井譚鄒魯偶然得青朱羞與布衣伍書生

氣少剛俯仰亦辛苦何人識獨高一笑輕泥土恭

敬賦翰墨珍重珠璣吐貴貴與尊賢依稀兩存古



陳謙字德光號益齋由歲貢初授武進縣丞有軍功陞南城兵馬司副指揮謙擅詩名與郡先生丘養浩唱和為人正直不阿亦以此見重歸鄉時有詩贈別載于家譜

正德中謝薦永安里人李璉煜子儋州學正高鳳嶮岐弟新城教諭

陳輅在坊人遂溪訓導劉棖舉人春第芒部軍民府經歷

李雄景子柯文崇善里人鳳陽教諭吳相啓姪臨高教諭

詹澄靖孫蘇州府訓導林巒新溪里人華容教諭

謝薦字仲薦任臨淮訓導陞雷州府教授篤學勤

教祀淮安名宦

李璉字文用號懶齋承家傳孝友忠信族黨垂譽

以明經授儋州學正修明倫堂以崇廟貌推贊節

以惠貧生課督有方雖僻處荒服文風大振崇祀

名宦後督學何採月旦而闡潛德祀鄉賢

劉棖字才成號浩齋春胞弟也由歲貢入國子監

選四川芒部軍民府經歷

嘉靖中吳彬相第崑山訓導林玖尚初姪李昂感化里人高要訓導

蒲香在坊人鉅山訓導謝定永安里人陳典璣子直隸教諭



胡禮 來蘇里人 靖安教諭  
 謝縉 永安里人 瑞昌教諭  
 李漢 感化里人  
 林旺 密從叔來 安訓導  
 李朔 璉子萬 州學正

唐源 龍興里人 孝豐訓導  
 林泮 依仁里人 巒從  
 蔡志道 璉姪德 州訓導  
 林瑤 旺從姪萬 年教諭

吳焜 相姪藤 縣教諭  
 詹環祖 崇信里人  
 唐鼎 龍興王 府教授  
 柯宗澣 崇善里人 龍游教諭  
 林彥佳 珪子新康里人

蔡志學 志道凡平鄉 王府教授  
 蔡志孝 志學弟潮州 府學訓導  
 林際陽 珪從弟仙 居教諭  
 唐堯衷 龍興里人

詹鳳 永安里人 燕湖教諭  
 唐銳 龍興里人  
 詹洧 崇信里 人選貢

吳彬字汝均號竹泉其祖鈍菴由莆田百葉村移居清溪住鳳山下魁田至彬與其叔凡姪等俱以明經顯或勸入監圖遠大彬曰苟盡職可勿論勢位也于焉秉鐸崑山朔望課士無虛期名士多出其門世孫郡庠蛟騰等後裔固昌熾也

李漢號東甲任桐鄉訓導王慎中嘗有贈漢詩東甲先生愛靜便辭官正及未衰年忘機不睹園基聖好飲多開種木田每誇妙得閒中坐更詫無如醉後眠子夜絃歌娛客處一春風雨養花天紅英



漸委蒼苔上白雪來侵綠鬢邊世態無端爭夢裏  
人生何事勝樽前此其品可知矣  
林彥佳字克美孝友慷慨親族子姪知讀書者悉  
邀來家給餉食之與諸兄弟通財無所吝歷教揭  
陽陽春所在捐俸結社加意作興其居在晉江黃  
恭肅公光昇張叅議公冕皆推重之  
唐堯衷字烜卿由府學應貢授進賢訓導徒來賓  
教諭在進賢邑有故達官其生時嘗垣學地爲居  
屋達官沒其子孫求祀之鄉賢堯衷不拒也顧時

時語人曰吾邑有蔡虛齋送學傍地爲射圃渠公  
不能也沒而求祀之鄉賢其家聞之不言自阻始  
至官市乘馬馬老矣鬻者多其直有勸更其駟者  
不獨不疲斃也後來且得償故直堯衷曰更之斃  
鞭策矣旣徙官又不以轉市以遺城外一老秀才  
日子之齒長矣數入城可代步也城外便水草于  
終馬之是終吾蔽帷之意也人稱堯衷愛物如此  
處人可知堯衷蚤育於庶母彭彭產子堯文畜  
之如同母旣念彭老棄官歸夫人歎曰世有棄官



養母者矣養度母未之前聞也子時興蜀府長史  
堯文亦有士行曾孫若霖有文名

唐銳字鈍甫以選貢授江西新城縣丞時有邪僧  
惑眾設法緝平上臺聞其才委攝縣篆小試特拔

楊際會後會登第任本省兵備道執贄甚恭歸家  
閉戶課督兒孫孫景龍梧州通判皆有廉名

詹洧字仕澗仕高要縣丞初與王慎中講學晚歲  
造詣有得於天機流動無入不自得之趣嘗

作洗心精舍詩高人已把塵念洗精舍乾坤

儘廓開唯有一真舍宇泰更無二念擾靈臺碧空

雲散青天淨銀漢雲深寶月來浩浩淵淵神莫測  
永清玉潔絕纖埃讀其詩知其有得於道也

隆慶中陳仰民

未安里人恩  
零都知縣

林彥俊

新康  
里人

彭昊

在坊人未  
安訓導

李瑜

感化  
里人

萬曆中李中

感化  
里人

劉大鴻

武康  
教諭

劉宗一

俱在  
坊人

蔡果東

志學于古  
田訓導

林英榮

在坊人  
府教授

唐時熙

興一里人  
柳州府知

林懷國

際陽姪十六  
年順天中式

唐景龍

興一里人梧州  
府通判陸長史

林年春

新康里人  
順昌訓導



林英兼

美樂第津

吳主詵

焜子

李懋楚

懋楚兄漢

林時化

新康里人

林懷永

際陽姪寧

李一貴

嘉定主簿

林廷翰

晉江人

李啓元

感化里人

連日新

新溪里

唐惟一

廷一兄訓導

林應標

依仁里人

李舒勳

感化里人

王應悌

新溪里人

李道耀

感化里人

謝應鵬

永安里人

李學會

晉江人

田居中

晉江人知縣選貢

吳主恕

在坊人政和教諭恩貢

唐道一

興一里人廷一兄恩貢教授

劉大鴻字時達號漸堂春之孫由歲貢授河南衛

輝府學訓導陞浙江金華府武康縣教諭再陞澧

州學正為人敏達精解讀書過眼無滯誦以麟經

冠八學與王慎中蘇濬二學憲交最深每試輒冠

軍稱為博古名儒

劉宗一字道貫春之曾孫應新例選貢未授而卒

唐時熙號載廷以貢授江西崇義縣知縣陞廣西

柳州府同知除賊首廖功前又除大俠顏啓蕙有

功於民建祠特祀



唐景龍字允齋貢士廷試第一授梧州通判兼管  
 鹽務蒞任革陋規忤當道兩廣中丞戴燿矜其廉  
 委攝梧州鬱林兩守篆郡人立生祠陞楚藩長史  
 以母老歸養不仕邑侯關弘異特贊遺像  
 李懋楚字克堯藍湖公第三子慷慨善諧詭弱冠  
 與弟奉常心湖公僉入庠補餼由貢授惠州外翰  
 務表善曾覆諸生之過人服其風度渾雅擢秦漢  
 陰令又調東粵永安令嘗言善為理者不易民民  
 有秦粵吾心則一廉慎公勤奉四字以始終愈更  
 老不衰

則愈熟耳清白奏最各載勒碑歸家色養孝友至  
 謝應鵬字騰台妙齡入泮總角首拔食餼由明經  
 任直隸高郵州劬勤力河務仁厚郵民輿稱菩薩  
 工部屢薦時有病士民頌曰河工繁興夫役靡停  
 謝佛蒞任簡政省刑庶保無恙河固郵寧稍愈遂  
 告老工部勸候陞堅辭歸詩酒自娛高尚有然迺  
 課督兒良藩良佐及孫曾競爽著名于黌宮

泰昌元年林魁材 恩貢新 溪里人



天啓中李春華

在坊人莆田教諭

詹縉翰

永安里人建寧教諭

張大備

新溪里人臨湘教諭

唐朝誥

興一里人拔貢

林華東

新溪里人拔貢

張大備字治綱號明湖漳州長泰縣進士漢傑之

裔也總角聰穎全郡鄉紳林肇開賴克俊等揣摩

數奇以明經任邵武府訓導陞湖廣臨湘縣教諭

聞濂洛之傳追太丘之風子繼美繼遠孫維忠成

謨胤瑞等俱在庠

崇禎中黃才英

長泰里人

詹業翰

永安里人古田教諭

林宣化

新康里人兩化第教諭

李逢昌

感化里人興化府教諭

李自華

感化里人恩貢趙州同知

表汾

晉江人

李炳

感化里人

林洪星

新康里人拔貢饒陽知縣

朱家弼

感化里人

廖胤洙

興一里人晉江拔貢鵬舉子

廖胤清

興一里人巳卯副榜准貢鵬舉姪

洪承芳

南安人

李逢昌號毓五由歲貢授詔安司訓繼任仙遊教

諭旋陞漳州府學教授嚴以律身寬以待人三任

冷檀兩登院薦督學屢次褒旌以年邁掛冠歸

李自華由監生北雍副榜准貢授汝州同知擢雲



南沅江府通判

皇清

恩拔歲貢

順治中李廷鍾

感化里人五年恩貢

張韻

在坊人張讀裔五年恩貢考選通判

林同煒

晉江人五年歲貢

詹時煌

晉江人六年拔貢

林肇珪

新溪里人訓導七年歲貢

林挺璜

新康里人八年恩貢

高日燿

在坊人八年歲貢南靖訓導

李禧春

恩貢平和訓導任亨子

李胤禧

感化人十年歲貢永興知縣

李日燦

感化里人十一年恩貢候選通判光地胞伯父

林登鶴

新康里人十二年歲貢邵武府訓導

陳應九

南安人十四年歲貢

陳廟謨

晉江人十六年歲貢閩清訓導

李際燿

感化人十八年恩貢

李乃葱

感化人十八年歲貢

李兆慶

感化里人十八年歲貢光地父膺封翰林編修

康熙中李光駿

感化人府學二年歲貢

李國紳

感化人八年歲貢拭孫

陳如龍

新溪人十年歲貢

張純仁

晉江人十一年考選貢監

張廣業

晉江人壬子副榜

張讀

苗裔

盤坐



明

監生

正德中吳輝

在坊人教諭相  
姪滁州吏目

李廷封

焯子宣  
化主簿

林森

新溪里人

吳輝字文旭司訓吳彬之姪也嘉靖丁亥歲督學

邵銳來邑視學隘朱子祠遠離黌宮弗宜謀徙之

輝有隙地濱于學值百金毅然獻之邵欲償以直

不受欲償之故祠地復不受因廉其世有義行扁

代義二字以旌之及為滁州日兩院亦賚以獎勵

賢能之扁卒於官舍當道惜之

嘉靖中林回

新溪里人

林存賢

新溪里人

劉大咸

在坊太湖縣丞

林應麟

新康里人  
高安主簿

黃大本

長泰里人

劉大咸字時雍春之姪孫以儒士入學應例國子

監選廣東東安主簿陞南直隸太湖縣丞致歸

黃大本字端叔少補弟子員受學于詹洧因詹洧

以師王慎中既又與晉江叅議尤烈知縣朱梧山

人江一鯉講學談詩皆其父行而名為長老者也

既入莆中師事林兆恩稱高弟深會修身繕性之



旨兆恩欲詣闕陳疏意在婚娶二氏使各行其教時朝廷方好方術之士方術之士上書言事輒得旨大本卽移書止兆恩謂言卽得行甚善顧此時詣闕上書者皆黃緇符篆者流吾師欲以婚娶二氏易天下不惟不足以明三教之道適使人疑夫子兆恩因此中輟而其道益尊凡郡中學兆恩者多師大本稱爲極齋先生平生與人言必推本孝弟或時有所叩不終言之第曰力行何如耳父驚蚤卒大本旣少孤事母至孝每晨起衣未着體卽

手揭趨床前問安夜定母寢或母未便寢輒弟兄環譚笑樂曲奉爲懽有時款客得佳饈卽走致曰毋非乏供偶觸不能自已也弟雖異出愛之如同出弟以次出後人出已產均分之不問其得於所後者幾何邑兵後族屬困急做古義田分給數歲族咸賴之仕鴻臚寺序班終靖江丞趙府典寶正所著有紫雲詩集如舟中得魚思母有云尊前遙舉雲邊恨舟上難飛膝下身鮮美獨陪行棹客肥甘誰奉倚閭人如齋居寫懷有云興尋小艇垂流



水歸并青茵臥看山又云門常半掩無人到竹有  
數君伴我閒可見其孝而恬果深於道者也

隆慶中李焜

新喻教諭

李騰

鴻臚寺序班俱感化里人

萬曆中詹蛟

子彬

黃大禮

長泰里人

唐煥章

興一里人

李椿

感化里人光祿寺監事

李仕先

感化里人

謝志禮

黃金章

大本子光祿寺署丞

陳愷

光得里人任如膏縣主簿

陳有章

知縣仰民子廣州衛經歷

黃金節

長泰里人

李櫛

楨弟

詹洪漸

詹洪濟

仰鹿子

詹洪晉

仰成子

詹楨林

洪鼎子

李重熙

懋檜子

張應麟

在坊人由同安入監選應天府高淳縣縣丞

李榮春

訓導

李重琰

懋檜子

黃日就

金章子

李自華

椿子

天啓中詹兆魁

崇信里人

李裔京

感化里人

林夢龍

薦辟

洪武中陳道

在坊人宋陳應雷之後以孝廉舉歷官辰州知府

林仕由

新康里人以人才舉任池州府大通巡檢司巡檢

李則成

感化里人以人才舉任內黃主簿

詹德安

崇信里人敦仁之後以人才舉任益陽縣丞



吳萬驥 在坊人授本府東北營把總壬午年  
隨遊擊洪日昇征剿山寇有功

皇清

薦辟

順治中吳洪儁 在坊人任 吳兆 在坊人任  
蒲州同知 張雄 新康  
里人

陳斌儻 崇信里人候選都督  
僉事屯田湖廣 莊進 感化都  
督僉事

蘇試 參將 蘇耀 都督  
僉事 李治 把總興一里  
人

吳洪儁字允宅孝節王氏之孫也由邑庠 順治

三年 貝勒王考選任古田縣訓導

張雄新康人授誠 章京王 題授遊擊任廣東

新安縣水師左營

明武科

隆慶元年丁卯中廣西鄉試易復進 長泰里人

四年庚午中鄉試易復進 再 林慎 懷國  
從弟

萬曆四年丙子中鄉試易復進 三

十六年戊子中鄉試林慎 再 崇武千戶所鎮撫

二十三年乙未中會試林慎

三十四年丙午中鄉試陳一道

天啓四年甲子中鄉試李光表 任泉南守備



七年丁卯中鄉試李光陞

崇禎三年庚午中鄉試李懋梓

任廣東雷州總司

六年癸酉中鄉試李而藩

俱感化里人

皇清

武科

順治十一年甲午鄉試謝春

永安里人任山東德州管河千總

李星

光得里人

順治十七年庚子鄉試彭士亮

依仁里人

康熙二年癸卯鄉試孫胤騏

長泰里人胤騏胞兄

陳臥龍

依仁里人

白夢麟

依仁里人

鄭天極

謝登軾

永安里人府學中式

康熙五年丙午鄉試李舒斌

依仁里人

鄭士亮

常樂里人

康熙八年己酉鄉試黃胤采

鄭士熊

常樂里人

康熙十一年壬子鄉試李廷彪

張殿政



嘉靖十一年壬子歲所平出德

德

嘉靖八年

嘉靖八年

嘉靖八年

嘉靖八年

嘉靖八年

嘉靖八年

臚榮

其卒

明

封贈

正德中詹璉

敦仁之後以子源贈監察御史

陳克熙

以子謙贈副

嘉靖中林昭

以子瑒贈永靖右衛經歷

林敏

以子珪贈鎮南衛經歷

隆慶中詹賜

以子彬贈戶部員外

萬曆中詹文

以子啓東累贈知府

黃鶯

以子大本贈鴻臚寺序班

李澍

以子道先贈桂林府推官

李雲霄

以子懋槍封陸安州知州

唐堯衷

以子時興贈樂平縣知縣

唐堯文

以子時熙封崇義知縣



李一瑞

以子椿贈光祿寺監事

李瀾

通判以子斌贈刑部主事

黃大任

以子金堦贈登仕郎

唐堯徽

以子景龍贈承德郎

黃鷲字德夫邑諸生數奇入貲為藩王府典膳待次益府襟韻閒曠行誼謹勅府中人皆異之益世子賢有文引與為禮別於他僚次遠未可待請告府中人不欲其去詞懇得請世子為餞贈手篆大書賜之歲時聚會敦睦族人細民耕鷲田者不敢役畜之徵租常緩期有負已之畢賦稅外不一措足縣門其卒也王慎中志其墓

崇禎中廖杰

以子鵬舉封南安府知府

皇清

封贈

康熙中李兆慶

貢生以子光地封翰林庶吉士

明

廕錄

萬曆中詹洪鼎

以父仰庇廕入監讀書

詹洪鼎字廷卿仰庇長子襲廕授南京國子監典



簿有清望大司成特薦陞北京都察院都事兼侍  
 朝班凡司禮監內閣五府六部等紙劄俱係管理  
 陞南京工部主事未任而故子禎林南京中式孫  
 龍列邑廩

明椽曹

林廷 新溪里人 巡檢  
 張明 倉大 信里人  
 陳禹元 巡檢 俱崇

張海 龍洞里人 巡檢  
 黃傑 崇信里人 巡檢  
 林童 光得里人 順德典史

林瑒 未清衛 經歷  
 林珪 鎮南衛 經歷 俱新康里人

吳獻 始興典史 署縣 考校崇祀名宦  
 江浙 東鄉 巡檢 俱在坊人

林襄 新康里人 密雲典史  
 吳主寬 在坊人 東莞 巡檢

孫志孚 在坊人 省祭  
 邵文福 在坊人 省祭

黃願善 長泰里人 衛州衛知事  
 謝天然 永安里人 餘于典史

吳天慶 在坊人 進賢典史  
 柯復材 在坊人 奉化典史

陳泗幸 新康里人 溫州倉官  
 周慶 在坊人 澄邁典史

詹廷案 崇信里人  
 李春生 龍涓里人 乳源典史

陳其道 在坊人 銅陵典史  
 潘東暘 崇信里人 德州州判

吳淵 在坊人 婺源典史  
 林象春 新康里人 撫州巡檢

陳儲 依仁里人 九江稅課  
 邵良 在坊人 大使  
 林德 永安里人 省祭



翁長宗 依仁里人 省祭

白琪 依仁里人 省祭

楊天爵 來蘇里人 建德典史

林挺秀 新康里人 福州倉大使

林雲 新溪里人 衛經歷

黃金墀 長泰里人 神電衛經歷

黃鍾繹 長泰里人 騰驤衛經歷

謝知吉 永安里人 典史

翁長祉 依仁里人 和平典史

林治 興二里人 京衛經歷

梁紳 光得里人 柴洋驛丞

黃若金 興二里人 費縣典史

陳華盛 永安里人 崇明典史

林瑞春 新康里人 省祭 彥俊子

林光宸 新康里人 候選主簿

張葵 還一里人 四川巴縣縣丞

張亮 還一里人 蘇州吳縣典史

卷之七終

安溪縣志卷之八

闡潛

五代

劉乙 詹琲 周朴

劉乙字子真寓賢也仕閩為鳳閣舍人與吳中處

士周朴本縣令詹敦仁友善敦仁贈乙詩有音問

相忘二十秋天教我輩到南州乙詩有掃石雲隨

帝畊山鳥傍人世傳佳句詹琲敦仁子也敦仁遣

琲訪乙贈以詩有石崖壁立題詩處知是當年鳳



閣人乙之風槩可想已明郡人何喬遠曰余讀歐陽修五代史晉天福二年閩王昶遣使朝貢高祖遣散騎常侍盧損入閩封昶爲閩王賜之赭袍并其子繼恭爲臨海郡王昶曰吾已襲爲帝矣損至稱疾不見使繼恭主之遣中書舍人劉乙勞損于館乙衣冠偉然騶僮甚盛他日遇諸途布衣芒屨而已損使謂之曰鳳閣舍人何偏下甚也乙羞愧掩面走昶聞怒損稍侵辱之損還昶無所答繼恭遣其佐鄭元弼隨損貢方物高祖怒暴昶罪歸其貢予謂乙故高士閩王遣勞晉使蓋欲借以爲重成禮偉盛遂事芒布此高士之爲也若羞愧掩走豈得言高蓋損惡昶託疾侵辱歸言其主文致之詞而歐陽公仍之要亦未知乙平生耳抑損以上國使入閩何得無騶從前呼乙必待其至前方見而反走史失之誣殆其然歟

詹琲隱鳳山之下號鳳山山人深宵衮長虛靜廣莫數語其序文也琲奇才曠達議論慷慨與陳洪進故有姻雅勸洪進納土于宋洪進從之今宋史



所載陳洪進納土表是璘撰也洪進既歸宋欲薦璘于宋太祖璘追和秦系辭張建封詩以獻洪進不之強璘既老人稱爲年德居士

周朴字太朴吳人與李穎方友善吟詩寫景搜奇抉思苟得一聯一句則忻然自快初隱產坑山之下後徙居福州烏石山與侯官令薛逢寺僧靈觀爲禪悅之交黃巢至福州求得朴問曰能從我乎朴曰我尚不仕天子安能從賊巢怒殺之湧白乳尺五寸後人立廟於烏石山額曰剛顯

宋

鄭思永

林德秀

陳與桂

鄭思永字景修家貧篤行博學晉江蔡和講文公之學號爲溫陵截派者也愛思永純樸妻以女俾從學終身所著有易說

林德秀字實之家貧苦學有詩歌雜著行于世

陳與桂字彌芳晉江人領咸淳鄉薦不仕義行高古邑人矜式隱水竹村

明



謝弘 高鳳嶙 鄭陞 吳煜 林鴻儒 李楫

謝弘高鳳嶙受學於蔡文莊文莊字弘曰汝器字鳳嶙曰瑞周必其嚮學之士惜其不名於時

鄭陞成化時在坊人少業儒失父善事母友諸弟雖一錢尺帛必歸母不敢私母病供湯藥不懈居喪盡禮廬于墓側提學僉事周孟中贈之詩

吳煜字時昭在坊人正德時隱鳳坂之麓賦性嚴毅微醺輒誦古詩以自娛

林鴻儒字允德新康里人祖光有隱德父密孝事

父母以嚴持家鴻儒諸生也體羸善病喜讀書亦

善事父母八試不偶年四十餘臨貢卒鴻儒治尚

書專其經所著有尚書日錄治書者宗其說所作

有奇貨可居論王慎中大奇之以通於毗陵唐順

之唐亦大驚異與定交其論曰甚哉商之害道也

先王務農焉人農則童童則機事寡而重流徙人

農則樸樸則死其處而無異慮商也者所以斲天

下之童樸者也其始也計有無其既也計多寡及

其既也計千萬而天下之道盡矣散千金之貲以







牟天子之贏謂君可薙立而卿棄也謂妻可偶致而復取也謂子可此種而彼養也間有以物商矣未聞以人商也波之所漸至以五倫爲貿遷趙堯貨如意而薄惠儲江充貨弗陵而薄衛據魏徵貨秦王而忍建成趙普貨太昌而背太祖昌齡貨元佐而背眞宗推而至士大夫君子進退辭受之間見得而忘義廣解而恬禍莫不胥爲商者可畏也其日錄序曰道有顯微無精粗心有體用無內外事具於心之謂體道則隱而未顯心應乎事之謂明年爲景泰元年署邑事者欲誣新民爲寇沒入其貲產復春走白署事者署事者難之復春正色曰公所奉檄將安反側子耶抑焚而亂之也天道神明民爲公用也署事者從其言所存活三百家天順二年歲大饑出粟八百斛賑民郡守以聞榮以七品冠帶

李却馨字俊德旌義森之弟幹練不如兄而曲謹特甚不事博士家言惟獵涉星數自娛善積雄貲森揮斥常遭乏有故人懇欲貸五百金不能應長



吁輟食却茗偵知爲其如數勸加餐森大喜人曰  
非獨李長者也弟何減兄友孝豪俠與旌義洵稱  
伯仲

黃時清叅山人孝友樂義治凡丘及預治已丘俱  
旁祖父壙叅政莊用賓銘曰率古遺風一真可尚  
欲父侍以子祖侍以孫幽明弗間時清忠孝志也  
劉柳字才澤春之兄好施濟活全多人邑令爲請  
授義官令有難折之獄送柳諭解之民稱其平  
林興字廷讓出粟賑饑官府榮之冠帶爲義民而

興以逸齋自號晉江陳琛銘其墓曰翁語我逸潘  
尼正悅松泉之便陸魯望任江湖之散亦若得之  
未見其清也其人境無車馬之喧見南山有悠然  
之適斯深於逸矣間有語及求田問舍事翁艷然  
曰我真田舍翁耶旣知我逸何溷我俗

李炳感化里人賦性剛毅樂善好施造橋立義塚  
年九十二

林昌赤嶺人不習書史而骯髒有機智所居地舊  
多患寇寇至則舉族逃竄山谷中昌出貲財築樓



十仞基墻高厚中列正樓外樓四繞倉困井臼甕  
甕床凳之屬皆具急則男女入樓正樓居女外樓  
居男正樓制度如家室外樓具穿窬孔可以開弓  
發鏡炮外溝三丈許度藺石渠答所宜嘉靖中白  
葉坂寇至其酋環樓覷望不得施攻犬服昌所爲  
使人謂昌曰林公豪俠長者吾願見之昌與隔水  
相見各出餽餉酒食相遺酋語昌曰公樓甚堅吾  
以火箭遠射則奈何昌曰吾堡中溝水穿通車戽  
提灌不乏人立撲之矣酋嘆息去末年倭寇猖獗

延燒永春及於本縣人皆來樓中避寇倭聲言攻  
樓甚急樓中人盡束包走昌課僮畊作若無事獨  
令人買弓矢火藥募戰手寇至攻樓連二日昌率  
衆抵禦之死其四十餘人而樓中人中寇矢者一  
人而已久之斃其酋一人寇各領營閉不出昌曰  
恨我少人不然可反攻也夜出金募戰手寇已引  
去矣人名其樓曰磐宗樓昌年九十餘乃卒  
黃大任字弘叔三歲而孤後雖以次出繼而能孝  
其嫡母生母恭其兄終身未嘗列坐並行好義舉



嘉靖辛酉賊寇諸鄉大任倡造寨堡教民練武縣  
因請統鄉兵守大深來蘇等隘衆賴以安有司上  
功撫院授把總大任辭曰吾不忍鄉井罹盜苦耳  
何以此區區爲竟棄去里有叅林山故樵牧所或  
獻之勢家大任鳩族清還鄉人至今德之令建縣  
治協力營之其他橋梁嶺亭多所修築里中人咸  
稱叅山德義叅山其別號也

詹仰憲少司寇仰庇第也敏智算善擘畫輕財喜  
費而耻自封郡邑大夫有興作之事輒求仰憲主  
治仰憲於凡木植輓篋漆髹塗墁踊賤竄良心計  
目審不失尺寸工匠執技以從如部曲之隸將帥  
手足併赴不督自趨官役仰公帑或不時給仰憲  
出橐中裝先之畚鍤小人尤樂從事所作治具可  
堅久而家貲爲損減郡邑大夫善仰憲佐公家急  
親禮過當仰憲又交游諸公懽洽無間時時解紛  
持平於親友間所以賑饑濟貧惟力是視窶子饑  
人天且父之仰憲所爲郡邑治工作不可勝數其  
大者在新文廟繕泉城修洛陽橋作嶽神祠塔溜



石之灣以縮泉城風氣仰憲死他日郡城崩學舍  
圯橋梁頽泉人嘆日無詹公矣

梁大磐光得人克家世孫也幼失怙恃長而慷慨  
樂義好施孝弟天性論文不倦與黃質中廖杰二  
封君爲莫逆交凡親朋有難竭力排解貧窮不能  
喪葬出貲與之邑令屢舉鄉賓不受郡人會狀莊  
際昌有贊云誠德不濟希文是企忠孝家傳我翁  
繩志年八十三子華第圖河耀第俱庠生諸孫等  
多列學校

皇清

李先春

陳九府

周思彥

張有勝

王中夏

李夢植

李先春字克建號念次少聰明個儻善通達古人  
事父嘗以非辜淹固先春年十二詣問官哀訴郡  
守奇其對礮械出之稍長治什一慷慨重然諾性  
喜書且愛儒者不靳解推值山海煽虐所在劫質  
每傾橐營贖全活甚衆拜恩去都不廉誰里人有  
南安洪氏女陷賊先春以重賂贖回女父陷他賊



先春季子又以計脫之父于生還各言所自乃知  
父活女命子脫父生殆世行其德者故海派疊至  
而近鄉爭投求拯以麗乎生地所居隣界漳平兵  
燹後大饑先春立賑法施糜與米遠近爲差李太  
公生我今猶傳之不衰至其捍禦寇盜家爲部署  
賊千百過境內垂戟鴈行紛社數十里蔬草獨青  
賊張六角嘗率衆圍寨先春請兵邑令令曰必報  
章先春日報章下休矣願假庫中錢出約市人并  
民壯可行也令許之先春遂將向賊賊設伏先春  
謀知張兩翼夾擊之賊奔亂流渡因縱擊淹死者  
十之三負金完師報績於令令大悅自是安邑兵  
爲諸縣冠值夏熟賊又糾八千人入里大刈先春  
選壯士五百餘定爲吉賞凶賞晝夜撼營斬獲無  
筭賊遁去鄉人德之先春豁達大度善積善散終  
其身不作一畝之宮其至性俠烈有過人者子日  
燦貢生通判兆慶貢士馳封兆慶子光地庚戌成  
進士讀中秘書人謂式穀之報云先春樸菴五世  
孫也豪邁施濟真不愧乃祖風



陳九府崇善人也性孝友而敦詩書訓兒孫以六行篤親恤笈言足重行足欽爲善於鄉足跡不履公堂年七十有五邑令每加鄉賓不受子士雲曾孫命錫等列于庠

周思彥龍興人性慷慨而兼朴篤晚學濟人術嘗施藥活人甚多邑令林得蘭學官鄭楚勳額扁以贈嗣後邑令屢重焉

張有勝新康里大平人聖行之裔孫賦性孝友年七十餘淳朴儒風通學舉鄉賓者三避名固辭准

林泉是適邑令關弘異高其行署扁云德重鄉閭子光猷嗣琨均遊泮

王中夏長泰里人審知二十六世孫邑庠儒之胞弟也幼而穎異篤學屈於數奇設教授徒以孝友立身以忠信誨人淳雅是風重於閭里屢舉鄉賓不受壽九十一子團觀亦敦厚尚古良醫濟人今康熙十二年春舉鄉賓邑侯謝宸荃贈扁曰江左清標

李夢植感化人太史光龍之猶子也四歲失怙有



至性見母洪氏永蘖孤貞輒哀愴動人稍長與伯仲及季怡怡奉母咸謂苦節之報夢植頗積腴輕財好施追祖旌義森懿蹟辛丑海澨播遷繼甲辰潦灾比歲大稜流寓多筑瘁夢植分給舉火如是者數年死不能葬者施棺木以百計且籍具姓名追薦冥福生死沾恩豈望報哉至若砌石梁大小十餘首民不病涉築仄路以便行旅蠲荒租以甦貧佃而更葺祀廟財祀業建覺亭緝顏刹尊祖敬神尤種種播諸口碑者民僉舉善人前令楊貞旌廬示獎今令謝宸荃錫賓筵贈扁曰仙源碩望輿論所推鄙薄者或聞風而興乎

徽聞

明

林玉修 何觀奴 詹氏 李純香 林氏

李玉真 嫡媵 蔣氏 黃大娘

林謝雙節暨許宗恬 黃氏二人

林氏 黃愛玉 亡名氏一人 陳大娘 李氏

葉坤隨 王氏二人 謝添娘 鍾氏



徐氏

謝氏

林玉修庠生詹璉妻也璉卒子清在襁褓源方娠五月璉父母憐玉修貧苦諭使再醮哀慟不已日有兩度媳婦耶源後登第事聞旌表

何觀奴陸大妻十六歸夫未幾夫卒矢志持家事姑教子

詹氏楊魁杰妻崇信里人魁杰以溺死詹年二十三哭三日得屍歸葬如禮姑憐其少諷之重行堅志不改孀居五十餘年終

李純香感化里人晉江林泗妻年十九泗來贅其家甫五旬因歸省病劇信里純香徬徨終夜明日馳夫家泗死矣伏屍傍哭不絕聲絕水漿者七日姑強之進少許及卒哭夜昏梳沐更衣自縊嘉靖十八年旌表

林氏感化里人李仲良妾仲良妻無出林生子則成仲良及妻卽繼歿林無所依姑携幼子與仲良女婿鄭存忠同居時年方少因自割其鼻以全節後則成洪武初薦舉人才



李玉真者李森女晉江庠生王桓妻而洪氏玉真之媵也桓卒玉真年二十所生二子熾熿皆幼未幾熾復殤玉真母諷其改志玉真引刀自刎洪氏趨前抱持之遂從玉真守節撫孤其後各六十餘卒熿爲學官好禮醇厚有名學士間而二節久不得聞鄉人爲李氏易名曰永介洪氏曰節介至萬曆二十三年得旌表

蔣氏南安人長泰里黃鶯妻鶯家世單弱蔣年十二未子則薦妾於鶯以廣胤嗣佐鶯爲義施行施行於人樹功於冥亡何生子大本而妾亦生子大任蔣均哺啜之亡何鶯歿蔣又均教育之遣大本入莆從林兆恩學歸而問之而併有悟爲學之旨而大任使習武事卒從軍有功其卒也大本大任欲以其節聞輒抑之有司亦莫之聞也

黃大娘黃鶯女也妻詹鳳翔年十八翔善病大娘事之甚謹不五載翔歿娘年二十三遺孕七月對夫靈自矢日所不死者冀一脉耳已生男貞靜撫孤兄弟六人同居絕不聞其聲卽妯娌罕覲面者



後子麟為邑庠輒召誨之曰吾不死為汝善自愛也

林氏黃代妻適代未子為置妾龔生子琮而代卒

林時方二十有七琮娶婦謝生二子琮又卒謝氏

遇劫賊被執死之時年二十有六林撫孫陸族捍

衛外侮有丈夫風後其曾孫願孝為邑庠又蚤卒

願孝婦謝氏育其四歲男又值嘉靖兵荒之季拮

据撫孤永藥終世年八十餘人稱黃門三節至曾

孫龍標娶許宗恬標多病宗恬妙年即勸置妾林

生子師曾甫三歲標歿亡何林又歿宗恬勵節秉

家愛師曾而教之能不媿三節家聲者也

黃氏晉江人詹仰賢妻年二十四賢死子洪嶽方

在襁輒泣曰吾念殉夫而忍棄孤織儉操作使其

孤不實先業而嚴課督之入其門內外昆曹以及

臧獲無有諱佚偷惰者年八十餘卒洪嶽亦有慈

孝之行

林氏妙青永春大家女感化里庠生李鏗妻也笄

歸百兩棄華珥椎髻薄飾與鏗篝燈上讀下刺不



踰內闕宗黨婦女咸欽之年廿八寇掠湖市林氏  
驚遁至溪畔忽憶被中阿女怍歸反走至故處遇  
賊以釵簪賄其魁釋之又喊至林氏給曰我家穴  
藏財寶容回取賂賊聽之林氏過黃石潭深十仞  
餘奮躍沉死三日日出其屍水中倚石僵立手持鑰  
控如故里人奇之邑令上其事以待題旌郡人黃  
東崖莊任公諸薦紳傳贊詳家乘氏四世孫日燦  
兆慶以明經顯五世孫光地現擢翰林編修

黃愛玉南安人儒士林超南妻年二十三超南以  
赴省路沒輿屍至氏奔哭哀慟親爲櫛殮時值倭  
警舉家夜遁氏對柩泣曰寇來吾死柩前矣號哭  
達旦卒哭自縊房中啓視渾身布素包裹甚密亦  
自設座焚香委白衫布裙其上預囑婢春鶯莫令  
男子近身其就義合禮也如此南安會元傅夏器  
輓詩有昭哉妻道大年少汝獨膺節義山岳重軀  
命草芥輕丈夫負名教女子見精誠之語

亡名氏女嘉靖四十一年倭入安海大掠男女被  
獲故老云中有一婦姿容甚盛手牽一女背負一



兒賊欲迫之不從恐之又不動也賊怒欲斬之引頸受刃罵不絕口被擄之人莫不歎傷惜乎不知何氏名也

陳大娘未安人謝弘子監生志禮之妻陳無子娶趙氏育子懷邦五月趙卒大娘撫長之志禮卒陳年二十八霜凜金堅資餬口庇風雨莫敢睥睨者令俞仲章有扁曰光前裕後以壽終子懷邦邑庠舉鄉賓令夏建寅扁曰表正鄉閭孫有三應鵬選貢尚鵬漢鵬俱入黌宮閨訓義方緝緝繩繩寧特教子而已哉始節而躋賢者也

葉坤隨邑窮山女也嫁許志超年十九爲夫婦七月耳志超病死坤隨坐臥匱側不離次越三日焚香請告剪髮誓死絕飲食者五日姑勸而強之歡米湯而已或勸之曰婦誠自苦顧我等居窮山中幽遐僻昧孰知而推揚之者隨日盡吾心耳矣三七之旬悉分簪珥於諸娣姒爲末訣諸娣姒悲不自勝坤隨顏色如常拜舅姑及夫之弟自縊死萬曆二十一年也事聞旌表



李氏感化里太史光龍胞姝邑庠張問行妻嫁一載問行卒氏哭慟骨立五旬縊而從之有旌表

王氏儒士吳鳴明妻年十六于歸六載明卒僅有

遺孤鍾玉甫四歲矢志栢舟操勵斧臂守玉孤苦

節賽冰霜後玉事王克盡子職內外咸稱萬曆四

十四年事聞扁曰貞孝足風古田訓導吳洪儁卽

其孫也

王氏南安人依仁里陳耀聰妻聰歿氏年二十二

遺腹育一孤矢志靡他與伯氏吉宇共事翁姑菽

水盞恭伯亦念無異志視姪猶子翁甘泉壽九十

氏子肇昌與伯氏子庭桂並列邑庠孫男有八臥

龍登武科毓愷等遊泮者三一門團和敦尚詩書

皆氏節孝之券

謝添娘永安里人儒士謝彌卿妹適教諭詹縉翰

男庠生詹鹿鳴夫死不欲生念舅姑在堂家產薄

雙親暮年無依恐死守一子子復死守一孫茹荼

拮据盡婦道以事舅姑迨二老亡經營襄葬復葬

其夫及子祖宗忌祭俱賴血食邑令桂攀獎以扁



額年七十卒殆節而賢者歟  
徐氏南安人在坊林彬野之妻野歿徐年二十二  
育一遺孤紡績拮据後孤殤氏執守終身不渝里  
老呈詳明攝篆令馮文伯扁其額云豎倫培節

鍾氏在坊人萬曆乙卯科孝廉林鳴盛之妻自于  
歸克盡婦道鳴盛登賢書而氏勤儉不渝未幾夫  
歿哀毀無子守節且營積葬祭以終其身

謝氏永安里人崇禎己卯科龔貞妻邑廩生謝國  
守姪女夫歿盡喪禮蔬水茹苦至卒哭從容就死

面不改色邑侯施酬素率學博縣尉躬奠扁曰夫  
賢婦節經詳兩院郡人比部秦鍾震輓詩云玉樓  
君趣轡魂夢案眉齊栗壁灰生戀貞冰破死迷何  
悲黃鵠寡休恨杜鵑啼明詔方褒節並垂青史題

皇清

洪氏 殷氏 黃氏 吳氏 連氏

洪氏南安翁山人感化里李蜚碧之妻蜚碧性豪  
宕承先產餘不爲家饗殮悉洪氏辦治姑老而病  
日必索冥楮蔬炙薦戶竈氏勉供無怠年二十餘



而寡四雛一姑與身為六口虛無斗儲氏卒瘞取諸十指織屨緝纏擔薪昇水凡苦作一十五年四雛始偉然釋母之憂上世有掛逋倉粟誅負者無寧歲忍饑節縮或傾筐授之伍伯感其誠不復至平居詔諸子曰吾不能致汝等於學景行祖德烏在不可勉也今四子蘄然樹立仲夢開能殺賊障鄉里叔夢植好行德布施郡邑所重土官爭禮之宗人以洪氏為母師

殷氏永安里人在坊儒士柯仲之妻嫁未踰年仲歿越七日殷自縊姑泣救之

邑亂有

材官朱姓者強委禽殷乃蓬跣衰服號慟于縣庭令徐騰鯨憫其貞取橐金償解之數日遂經死年二十有一縣旌扁曰栢舟再咏

黃氏在坊人庠生彭元化弟元上之妻年十九于歸二十一歲孀居永玉事老姑能孝處家人能敬姪兆閔嗣復殤節守益勵勤苦薄積買地葬夫通衢翕然其稱焉

吳氏在坊人廩生華細姪女嫁崇善里郡庠傅嘉



祚生一子三歲而祚歿祚有老母氏年十九矢志謂人曰余狗夫易耳奈姑與子何乃婦姑子母相依爲命雖遭寇亂而事老姑營舅墳葬祭無廢教子作楫列邑庠內外咸稱孝節云

連氏新溪里人翁懿宗妻教諭日新姪女年三十寡守一子肇基娶婦施五娘二十八歲又寡遺腹生一孫長娶黃氏生一曾孫旣而孫及曾孫繼殞立嗣三寡相守葬四世墳賴以血食連氏六十九卒施氏年七十餘里人嘆而悲之

卷之八終

安溪縣志卷之九

問禮

至節慶賀

前期一日縣官率僚屬生員吏典人等具龍亭儀仗鼓樂習儀龍津觀畢設龍亭香案于公廳列儀仗于露臺上設鼓樂于露臺下各東西向是日清晨官員人等序列露臺下行四拜禮班首官陞自東階詣香案前致辭祝讚畢復位四拜然後搢紳舞蹈山呼又四拜而退致辭云福建泉州府安溪



縣某官臣某等荷國厚恩叨享祿位皆賴天生我君保民致治今茲

聖誕聖壽益增臣等下情無任欣躍感戴之至

正旦長至慶賀 全與

聖節同惟致詞易

聖誕爲正旦爲長至云

千秋節慶賀

前期習儀及清晨行禮俱與前同惟祝祝讚後不舞蹈山呼行四拜禮而退致詞云茲遇

皇太子殿下壽誕之辰臣某等敬祝

千秋壽

開讀

凡開讀

詔赦將至具

龍亭綵輿儀仗鼓樂出郭迎候

朝使既至下馬親捧

詔書置

龍亭中南向退立於



龍亭東衆官具朝服北向行五拜三叩頭禮訖衆官及鼓樂前導

朝使上馬于

龍亭後行至衙門外下馬隨

龍亭後由中門人至廳立於

龍亭之東衆官排列樂作行四拜禮樂止使者取詔授開讀禮生跪受捧詣開讀位宣讀訖仍捧授

朝使置

龍亭中衆官四拜舞蹈山呼又四拜班首官詣

龍亭前跪問曰

聖躬萬福

朝使鞠躬答曰

聖躬萬福衆官乃退易服就後廳見

朝使行兩拜禮畢復用鼓樂送

詔于官亭



鞭春

每歲先期造春牛芒神於東嶽宮立春前一日各官常服輿迎至縣儀門外土牛南面芒神在東西向至日清晨陳設香燭酒菓各官具朝服四拜班首官奠酒者三復位又四拜各官執綵杖排立兩傍長官三擊鼓畢偕各官環擊土牛者三遂碎而退

日蝕救護

前期設香案于露臺上設金鼓于儀門內兩旁設各官拜位于露臺上俱向日至期陰陽官報日初食各官具朝服行四拜禮皆跪執事者捧鼓詣班首官擊鼓三聲衆鼓齊鳴候報復圓乃四拜而畢月蝕救護



與日餽同

新官到任

凡新官赴任未到城一舍而止官屬及父老人等相率出城來會令灑掃應祀神祇祠宇預備牲醴祭儀以俟謁告比至城外齋宿三日第四日父老人等導引入城徧謁諸祠廟禮房吏陳設牲酒等物新官與同僚各以班立行四拜禮新官詣神位前酌酒行初獻禮執事者讀祝云維某年某月某日某官奉命來官務專人事主典神祭特與神誓神率由冥陰陽表裏予有政事未備希神默佑使我政興務舉以安黎庶予儻息政奸貪陷害僚屬凌虐下民神其降殃謹以牲醴致祭神其鑒知尚饗讀訖俯伏而興亞獻終獻皆如初儀遂四拜而退導引至本衙前具公服從中道入於露臺上望闕行五拜三叩頭禮畢乃升廳排衙報時押公座畢易便服而坐令各人等自卑而尊以次參見次首領官見畢然後同寮行相見禮乃諭寮屬曰朝廷設官置吏欲行敬神恤民親賢遠奸興利除害



某不敏忝茲重任尚賴一二寮屬及邑中長者匡其不逮庶免後艱其四境之內利有當興弊有當革者某等當共勉力爲之以安黎庶論畢署押公文處置公事訖將所祭牲醴與官屬父老享飲而退及九年任滿仍具牲醴率官屬父老人等辭廟致祭就以祭物出郊餞別而去

祭先師

釋奠

祭用春秋仲月上丁以所在長官行三獻禮教官

分獻

齋戒

前期三日不飲酒不茹葷不弔喪問疾不聽音樂不理刑名散齋二日沐浴更衣宿於別室致齋一日宿於祭所唯理祭事

祭器

祝版一爵一百五十七鐙五劍二十簠簋各四十一籩豆各一百八十四酒罇五篚九牲匣八酒罇案三大小方盤二百二十一香案十七香爐四十



五燭臺四十五對供卓四十三毛血盤八盥洗盤  
架各三幌中冪中各三酌酒杓三釜八滌牲桶八  
庭燎隨用

省牲

羊二豕一鹿一兔十

陳設祭器

先聖位設鐙一劍二兩簠簋八邊豆實以大羹和  
羹黍稷稻梁榛菱芡鹿脯劍鹽藁魚棗栗韭青芹  
笋菹醢鹿兔魚醢牲以一羊一豕一帛一篚酒三爵

四配每位設鐙一劍二簠簋各一邊豆各六實以  
大羹和羹黍稷粟菱鹿脯劍鹽藁魚棗菁芹笋菹  
鹿兔魚醢牲共一羊一豕各折爲四盤奠帛各一  
篚獻酒各三爵十哲每位設爵一劍一簠簋各一  
邊豆各四實以和羹黍稷劍鹽棗栗鹿脯菁芹菹  
酒各一爵兩廡各四位設爵四簠簋各一邊豆各  
四實以黍稷劍鹽棗栗鹿脯菁芹菹鹿兔醢牲則  
東廡用一豕折爲五十四盤西廡用一豕折爲五



十五盤奠帛東西各一篚獻酒東西各一爵舞用六佾

祝文

其年歲月日福建泉州府安溪知縣某等敢昭告

于

至聖先師惟至聖先師德配天地道貫古今刪述六

經垂憲萬世惟茲仲

春秋

謹以牲帛醴齊粢盛庶品

式陳明薦以復聖顏子宗聖曾子述聖思子亞聖

孟配尚饗

儀註

迎神四拜初獻奠帛讀祝亞獻終獻分飲福受胙

再拜徹饌送神四拜望瘞禮畢

鄉飲

洪武十一年頒儀令每歲孟春之望孟冬之朔官

行於學宮士庶行於各鄉其學宮行禮以知縣為

主選鄉之年高有德眾所推服者一人為賓其次

一人為介又其次為三賓為眾賓以本處致仕官

德位稍尊者為僎擇一人為司正今以訓導為之



二人通文字者讀律誥各鄉則以里長或糧長爲之主焉前一日執事者於儒學明倫堂設賓位於西北主位於東南介位於西南僎位於東北三賓位於賓西南向衆賓六十以上者位于堂西序東向北上五十以下者位於堂西階下東向北上寮屬位於堂東序西向北上司正位于南北向至期主人及寮屬肅賓于庠門外賓至相揖而入至中門又揖而入至階又揖三讓而後升堂主東賓西相向再拜各就位堂上者坐堂下者立司正酌酒詣榜解位賓主以下皆起拱立司正乃舉觶揖而言曰恭惟朝廷率由舊章敦崇禮義舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉黨毋或廢墜以忝所生乃飲酒授觶復揖而退賓主以下皆坐執事者供酒饌三行後諸生鳴鐘鼓歌鹿鳴四牲皇華三詩主酌酒獻賓再拜而退賓酌酒酬主亦再拜而退執事者由介而下以次斟酒于席皆飲訖供湯三品畢徹饌賓主以下皆起東西相向



再拜送賓仍三揖而出

鄉射

洪武三年八月十八日節該欽奉聖旨今後各府州縣儒學訓誨生徒每日講讀文書罷於學後設一射圃教學生習射朔望要試過其有司官閒暇時與學官一體習射若是不肯用心要罷過欽此本縣射禮久廢嘉靖戊子聶豹令生員習禮於省城養正院又奉提學副使高賁亨教條尤加意於射禮

呈太子殿下壽誕之辰

臣某

等敬祝千秋壽

開讀

凡開讀詔赦將至具龍亭綵輿儀仗鼓樂出郭迎候朝使既至下馬親捧詔書置龍亭中南向退立於龍亭東衆官具朝服北向行五拜三叩頭禮訖衆官及鼓樂前導朝使上馬于龍亭後行至衙門外下馬隨龍亭後由中門入至廳立於龍亭之東衆官排列樂作行四拜禮樂止使者取詔授開讀禮生跪受捧詣開讀位宣讀訖仍捧授朝使置龍



亭中衆官四拜舞蹈山呼又四拜班首官詣龍亭  
前詭問曰

聖躬萬福朝使鞠躬答曰

聖躬萬福衆官乃退易服就後廳見朝使行兩拜禮  
畢復用鼓樂送詔于官亭

鞭春

每歲先期造春牛芒神於東嶽宮立春前一日各  
官常服輿迎至縣儀門外土牛南面芒神在東西  
向至日清晨陳設香燭酒菓各官具朝服四拜班

以上載嘉靖壬子志蓋慮儀節久疎一遇行禮須  
索案牘故詳記之亦見前輩周慎之意今錄如舊



安海縣志卷之九

圖





